

Celebracion mahestuoso di Carnaval

ORANJESTAD (AAN): Tanto San Nicolas como Oranjestad a celebra carnaval 45 na un manera mahestuoso durante fin di siman.

Un carnaval cu a briya den luho, den creatividad, fantasia, bunita, y tamaño.

Na San Nicolas e parada a resulta den esun di mas grandi desde 1994 y hasta a bira mas grandi cu carnaval 40 di e aña ey cu casi 200 participante mas.

Na 1994 carnaval 40 a tuma lugar cu 22 grupo na San Nicolas y e aña aki Carnaval 45 a surpasa den participante y cu 13 grupo.

Di e registracionnan 4 grupo

no a presenta na San Nicolas. Aruba Dushi Tera: Aruba antes, despues y awor di Coastal Club a domina e parada aki, mescos cu el a haci e dia despues na Oranjestad y a bay cu mayoria di premionan.

Reparticion di premionan por mira otro caminda den e edicion aki.

Locual a resalta tabata e musica na San Nicolas, y cu participacion di steelband di Noord, di Weg Fontein y di Marinierskazerne, cual ultimo a duna show durante parada, pero tabata mitar steelband mitar conhunto tambe.

E comentarionan atrobe e aña

aki tabata riba e comporcion di publico, y camindanan sin cu tin baricada, con civico tur hende a cumpli cu e gruponan, locual no por bisa di Playa, siguramente yegando cruzada cu Adriaan Lacle Boulevard, sigui pa final, caminda hopi grupo a perde pluma y decoracionnan, a pesar cu tin baricada.

Segun cifranan preliminar copila pa colega Juby y cu lo ser publica asina cu e termina cu nan, San Nicolas a celebra su carnaval di mas grandi desde 1993, locual si no por bisa pa Playa, cu tabata tin menos participacion cu na San Nicolas, sinembargo a

resulta mas largo den duracion.

Esaki mas bien ta refleha riba e roadpiecenan cu a bin acerca diadomingo di parti di e diferente gruponan, y carosanan cu a bini acerca y cu ta haci e parada mas largo y tambe mas largo den duracion.

Na Oranjestad a ser spera cu e parada lo surpasa esun di Carnaval 40 pero ni e registracionnan no a yega cerca di 1994 pa locual ta participacion.

Si na 1994 e total di participante tabata 3401, e registracionnan pa Playa e aña aki a yega na 3291 y e participa-

cion tabata mas o menos 200 menos segun prome cifranan registra pa colega Juby.

E cifra di 1994 tabata di 23 grupo na Playa y e aña aki e cifra registra tabata di 12 grupo. (Happy Clowns a presenta na San Nicolas y no na Playa)

Coastal a keda na Playa tambe como e grupo cu a carga e parada cu su cantidad record di participante e aña aki 1230.

Locual si ta algo di remarca ta Jouvert Morning cu a atrae cantidad grandi di publico riba caya, sinembargo pa locual ta musica por a ripara un decadencia den participacion di e agrupacion nan musical. E siman aki colega Juby ta bini cu su "Analisis di Carnaval" manera e ta haci anualmente y den cual lo tin mas informacion riba henter desaroyo di carnaval 1999 cu a resulta un di esnan mas bunita di e decada aki, di mas duracion 4 ora na Oranjestad y 3 ora 20 minuut na Playa, pero variando segun lugar di mira e parada cu 10 te 15 minuut mas o menos.

Homber mitar sunu banda di Hotel

ORANJESTAD (AAN): Mainta trempa a worde reporta na Polis cu lo tin un homber mitar sunu den vecindario di un hotel. Patruya a worde dirigi mesora na e hotel encuestion pa tuma e medidanan.

Patruya enberdad a topa cu un homber enberdad mitar sunu y pa colmo mal bruha. Posiblemente e homber aki ainda na paña interior no sa unda e ta hospeda, riba dje e ta bao di influencia sea di alcohol of combina cu substancia.

El a conta Polis cu e dia anterior el a compra un sakito (di droga) cerca un persona cual su nomber el a suministra pa e summa di 20 Dollar. Pa su seguridad y pa otro Patruya a transporta e homber aki di "no name" pa warda.

Comandante a dicidi di sere manera el a worde deteni esta na paña interior, y e mester a dreña cel. Ora cu e caba di baha for di "nubia", e lo por corda su nomber y direccion.

SEAPORT BINGO

AFL. 9.000

Na Seaport Conference Center

US\$ 10 Bingo, cuater (4) caarchi pa wega. Bingo ta cuminsa 8:30 pm

Open Bar, Snacks y Entretenimento en vivo.

WEGA 1- Afl. 300

WEGA 2- Afl. 300

WEGA 3- Afl. 400

WEGA 4- Afl. 400


WEGA 5- Afl. 500

WEGA 6- Afl. 500

WEGA 7- Afl. 600

WEGA 8- Afl. 600

WEGA 9-FULL CARD
Afl. 1.000
WEGA 10-FULL CARD
Afl. 4.000



SEAPORT
Casino
Bo Cas di Bingo

DOOR PRIZES

4 X Afl. 100

AAdvantage
TRAVEL AWARDS PROGRAM

DIAHUEBS
FEBRUARI 11
1999

PREMIO GARANTIZA